



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Sacrosancti Et Oecvmenici Concilii Tridentini, Pavlo III.  
Ivlio III. Et Pio IV. Pont. Max. celebrati, Canones Et  
Decreta**

**Tridentinum <1545-1563, Trient>**

**Coloniae, 1615**

Decretum de reformatione.

**urn:nbn:de:hbz:466:1-42415**

DE CONFIRMA-  
tione.

## CANON I.

*Si quis dixerit, a Confirmationem baptizatorum otiosam cerimoniam esse, & non potius verum, & proprium Sacramentum; aut olim nihil aliud fuisse, quàm catechesim quãdam, qui adolescentie proximi fidei sue rationem coram Ecclesia exponebant: anathema sit.*

## CANON II.

*Si quis dixerit, b iniurios esse Spiritui sancto eos, qui sacro Confirmationis chrismati virtutem aliquam tribuunt: anathema sit.*

## CANON III.

*Si quis dixerit, c sancte Confirmationis ordinarium ministrum non esse solum Episcopum, sed quemuis simplicem sacerdotem: anathema sit.*

## Decretum de reformatione.

**E**adem sacrosancta Synodus, d eisdem presidentibus & Legatis, inceptum residentie, & reformationis negotium ad Dei laudẽ, & Christiane religionis incrementum profecturi intendens, vt sequitur, statuendum censuit, e salva semper in omnibus Sedis Apostolicæ auctoritate.

a c. nulli ministro-  
ũ de cõf.  
dist. 4.

b Vide finẽ  
epist.

Vrbani,  
ad oēs & c.

c. i. cum  
seq. de

conf. dist.

4. c. man<sup>o</sup>  
de conf.

dist. 5.

Cõc. Flo-  
rent. loc.

cit.

Vide Eu-  
feb. Pap. i.

Epi. ad E-  
pisc. Tuf-

ciæ, Mel-  
chia, de

Hisp. In-  
noc. ep. i.

c. & c.

sess. 23.

cap. 4.  
d sup. Sef.

6. c. 1. &  
infr. Sef.

23 cap.  
e inf. Sef.

vlt. de re-  
for. ca. 21.

CAPVT I.

**A**D Cathedralium f Ecclesiarum regimen nullus, nisi ex legitimo matrimonio natus, & etate matura, grauitate morum, litterarumque scientia, iuxta constitutionem Alexandri tertij, que incipit. **g** Cum in cunctis, Concilio Lateranensi promulgatam, prædium assumatur.

CAPVT II.

**N**emo, quacunq; etiam dignitate, gradu, aut præeinentia præfulgens, plures Metropolitanas, seu cathedrales Ecclesias in titulum, si commendam, aut alio quouis nomine, contra h sacrorum canonum instituta, recipere, & simul retinere præsumat: cum valde felix sit ille censendus, cui vnã Ecclesiam benè ac fructuosè, & cum animarũ sibi commissarum salute regere contigerit. Qui autem plures ecclesias contra presentis decreti tenorem nunc detinent, vna, quam maluerint, retentã reliquas infra sex menses, si ad liberam Sedis Apostolice dispositionem pertineant, aliã infra annum dimittere teneantur: alioquin Ecclesiæ ipse, vltimò obtenta dumtaxat excepta, eo ipso vacare censeantur.

f Sess. 22. c. 2. plus exigitur. g par. 1. c. 3. const. eius, sed li. 1. decret. tit. 6. c. 7. c. cum in cunctis de elect. Vide post finem huius libri. h c. cum cunctis, 6. c. cum verò excess. prælat. Concil. Chalced. ca. 10. c. 1. & 2. 21. q. 1. c. sanctorum 70. dif. vnio. 10. q. q. 3. c. quia in tantum, c.

adhæc. & c. de mul. de præb. c. quia nonnulli. de mag. c. cum singula. de præb. in 6. Cler. gratia de rescri. c. execrab. §. qui verò in extrauag. comm. de præb. & inf. Sess. 24. c. 17. reform.



## CAPVT III.

**I**nferiora beneficia ecclesiastica, presertim curam animarum habentia, personis dignis, & habilibus, & quæ in loco residere, ac per se ipsos curam ipsam exercere valeant, iuxta constitutionem Alexandri III. in Lateranensi, quæ incipit, a Quia nonnulli, & aliam Gregorij X. in generali Lugdunensi Concilio, quæ incipit, b Licet Canon, editam conferantur: aliter autem facta collatio, siue prouisio, omninò irritetur: & ordinarius collator pœnas constitutionis Concilij generalis, quæ incipit, \*Graue nimis, se nouerit incursum.

## CAPVT IV.

**Q**uicumque de cetero plura curata, & aut alias incompatibilia beneficia ecclesiastica, siue per viam vnionis ad vitam, seu commendæ perpetuæ, aut alio quocumque nomine, & titulo, contra formam sacrorum Canonum, & presertim constitutionis Innocentij III. quæ incipit, d De multa recipere, ac simul retinere, presumpserit; beneficijs ipsis iuxta ipsius constitutionis dispositionem, iure ipso, etiam presentis canonis vigore, priuatus existat.

## CAPVT V.

**O**rdinarij locorum quoscunq; plura curata, aut alias incompatibilia beneficia ecclesiastica obtinentes, dispensationes suas

a Parte r.

c. 13. c. q. a nonnulli de c. e. nò resid.

b c. licet canon. de elect. in

5. decret.

cap. 14. c. graue nimis de præb.

\* Vide

post finem

huius libri.

c infra sess. 4.

de refor.

c. 7.

d Suprà c.

2. c. de

multa, de

præb. est

c. 29 in

Conc. Lateran. 2.

Vide post

finem hu-

ius libri.

exhibere districtè compellant & actus procedant iuxta constitutionem Gregorij X. in Generali Lugdunensi Concilio editam, quæ incipit, a Ordinarij: quam eadem sancta Synodus innouandã censet, & innouat, addens insuper, quod ipsi Ordinarij etiam per idoneorum Vicariorum deputationem, & congrue portionis fructuum assignationem omninò provideant, ut animarum cura nullatenus negligatur; & beneficia ipsa debitis obsequijs minimè defraudentur: appellationibus priuilegijs, exemptionibus quibuscumque, etiam cum iudicum specialium deputatione, \* & illorum inhibitionibus in præmissis nemini suffragantibus.

a Lib. 6. decret. de offic. ordinarij, c. 3. inf. c. 17. & sup. Sess. 6. de refor. ca. 2. in fin. \* Vide post finem huius libri.

b Vide Sess. 24. c. 4. de refo. infr. c. 4. de refor. c. 13. & Sess. 5. de refor. c. 9.

## CAPVT VI.

**V**Niones perpetue, b à quadraginta annis citra facte, eximinari ab Ordinarijs, tanquam à Sede Apostolica delegatis, possint: & quæ per subreptionem, vel obreptionem obtente fuerint, irritæ declarantur. Illæ verò, quæ dicto tempore citra concessæ nondum in toto, vel in parte sortite sunt effectum, & quæ deinceps ad cuiusuis instantiam fient, nisi eas ex legitimis, aut alijs rationabilibus causis coram loci Ordinario vocatis, quorum intere sit verificandis, factas fuisse constiterit, per surreptionem obtente præsumantur: ac propterea, nisi aliter à Sede Apostolica declaratum fuerit, viribus omninò careant.

CA.

## CAPVT VII.

**B**eneficia ecclesiastica curata, & quæ cathedra-  
 dralibus, collegiatis, seu alijs ecclesijs, vel  
 monasterijs, beneficijs, seu collegijs, aut pijs lo-  
 cis quibuscunque perpetuò vnica & annexa  
 reperiuntur, ab Ordinarijs locorum annis sin-  
 gulis visitentur, b qui sollicitè prouidere procurēt  
 vt per idoneos Vicarios, etiā perpetuos, nisi i-  
 psis Ordinarijs pro bono ecclesiarum regimine  
 aliter expedire videbitur, ab eis cū tertia par-  
 tis fructuū aut maiore, vel minori, arbitrio i-  
 psorū Ordinariorum, portione, etiā super certa  
 re assignanda, ibidē deputandos, animarū cura  
 laudabiliter exerceatur: appellationib., priui-  
 legijs, exemptionibus etiam cum iudicum de-  
 putatione, & illorū inhibitionibus quibuscun-  
 que in premisis minimè suffragantibus.

## CAPVT VIII.

**L**ocorum Ordinarij ecclesias quascunque c  
 quomodo libet exemptas, auctoritate Apo-  
 stolica, singulis annis visitare teneantur, & o-  
 portunis iuris remedijs prouidere, vt, quæ re-  
 paratione indigent, reparentur; & cura ani-  
 marum, si qua illis immineat, alijsq; debitis  
 obsequijs minimè defraudentur; appellationib.  
 priuilegijs, consuetudinibus, etiam ab imme-  
 morabili tempore præscriptis, iudicum depu-  
 tationibus, & illorum inhibitionibus penitus  
 exclusis.

a Infrà  
 Sess. 14.  
 de refor.  
 ca. 9.

b Vide  
 Sess. 25. c.  
 6. Statuit  
 sancta Sy-  
 nodus &  
 c supra  
 cap. 5.

c infra  
 Sess. 4.  
 de refor.  
 c. 9. & Sess.  
 1. c. 8.

Conc.  
 Tolet. 4.  
 c. 25. Cōc.  
 Braccatē.  
 3. cap. 1.  
 Cōc. Arel.  
 cap. 17. c  
 decerni-  
 mus c. E-  
 piscopū  
 & c. pla-  
 cuit. 10.

## CAPVT IX.

a Sess. 23.  
c. 2. c. quo  
niã qui-  
dam dist.  
100 & in-  
fra Sess. 23.  
de refor.  
cap. 2.  
b Sess. 23.  
cap. 10. c.  
cum nul-  
lus de tẽ-  
por. Ordi.  
in 6.

**A**D maiores Ecclesias promoti a munus cõ-  
secrationis infra tempus à iure statutum  
suscipiant: & prorogationes ultra sex menses  
concessæ nullæ suffragentur.

## CAPVT X.

c Infra  
Sess. 23.  
de refor.  
cap. 10.

**N**on liceat Capitulis ecclesiarum, b Sede  
vacante, infra annum à die vacationis, or-  
dinandi licentiam, aut litteras dimissorias,  
seu reuerendas, ut aliqui vocant, tam ex iuri-  
communis dispositione, quam etiam cuiusvis  
privilegij, aut consuetudinis vigore, alicui, qui  
beneficij ecclesiastici recepti siue recipiendi oc-  
casionem arctatus non fuerit, concedere: si secu-  
s fiat, c Capitulum contraueniens Ecclesiastico  
subiaceat interdicto: & sic ordinati, si in mi-  
noribus ordinibus constituti fuerint, nullo pri-  
uilegio Clericali, præsertim in criminalibus,  
gaudeant: in maioribus verò, ab executione  
Ordinum, ad beneplacitum futuri Prælati, sine  
ipso iure suspensi.

## CAPVT XI.

**F**acultates de promouendo à quocunq; non  
suffragentur, nisi habentibus legitimã cau-  
sam, ob quam à proprijs Episcopis ordinari nõ  
possint, in litteris exprimendam; & tunc non  
ordinentur, nisi ab Episcopo in sua diœcesi re-  
sidente, aut pro eo Pontificalia exercente, &  
diligenti præuio examine.

CA

## CAPVT XII.

**F**acultates de non promouendo, a præterquã in casibus à iure expressis, concessæ, ad annum tantùm suffragentur.

a c. licet canon & c. cum ex eo. de e. lect. in 6.

## CAPVT XIII.

**P**resentati, seu electi, vel nominati à quibusuis ecclesiasticis personis, etiam Sedis Apostolicæ nuntijs, ad queuis ecclesiastica beneficia constituantur, nec confirmantur, neque admittantur, etiam prætextu cuiusuis priuilegij, seu consuetudinis, etiam ab immemorabili tẽpore præscriptæ, nisi fuerint prius à locorum Ordinarijs examinati, & idonei reperti. Et nullus appellationis remedio se tueri possit, quo minus examen subire teneatur. c Præsentatis tamen, electis, seu nominatis ab vniuersitatibus, seu collegijs generalium Studiorum exceptis.

b infra Sess. 25. c. 9. refor.

c Vide Sess. 24. c. 18. vbi exceptio videtur reuocari.

## CAPVT XIV.

**I**n exemptorum causis constitutio Innocentij IV. quæ incipit, d Volentes, in generali Concilio Lugdunensi edita, seruetur; quam eadem Sacrosancta Synodus innouandam cõsuet, & innouat; addẽdo insuper, quod in eiuilibus causis mercedũ, & miserabilium personarum clerici seculares, aut regulares, extra monasterium degentes, quomodolibet exẽpti, etiam si certum iudicẽ, à Sede Apostolica deputatum, in partibus habeant; in alijs verò, si

d Lib. 6. decret. de priuilegijs. c. 1. Vide post finem huius libri. infr. Sess. 14. de refor. de refor. c. 6. in fin.

ipsi iudicem non habuerint, coram locorum Ordinarijs, tanquam in hoc ab ipsa Sede delegatis, conueniri, & iure medio ad soluendum debitum cogi, & compelli possint: priuilegijs, exemptionibus, Conseruatorũ deputationibus, & eorum inhibitionibus aduersus præmissa nequaquam valituris.

## CAPVT XV.

a Sess. 25.  
ca. 8.

**C**Vrent Ordinarij, a vt hospitalia quæcumque à suis administratoribus, quocumq; illi nomine censeantur, etiam quomodolibet exemptis fideliter & diligenter gubernentur, Constitutionis Concilij Viënnensis, quæ incipit, **b** quia cõtingit, forma seruata: quam quidem constitutionem eadem sancta Synodus inuandam duxit, & inuouat, cum derogationibus in ea contentis.

b Lib. 3.  
Cem. de  
religiosis  
domibus  
c. 2 quia  
cõtingit.  
& infra  
Sess. vlt.  
de refor.  
cap. 8.

Vide post  
finem hu-  
ius libri.

## Indictio futuræ Sessionis.

Item hæc sacrosancta Synodus statuit, & decernit, proximam futuram Sessionem habendam, & celebrandam esse die Iouis, feria quinta post sequentem Dominicam in Albis, quæ erit vigesima prima mensis Aprilis, præsentis anni M. D.

XLVII.

BVL